

四庫全書

子部

欽定四庫全書

冊府元龜卷七百十二

宋 王欽若等撰

宮臣部

規諷

古者世子既冠爰有司過之史餽膳之宰至於列樹藩
屏咸置傅相蓋所以保其無咎格諸非心者也乃若德
義不修奢縱敗度罔慎所履將蹈危機繇是始終彌縫
從容進說鋪述奏記更獻箴言竭忠以盡規陳古以申

諷乃至激發吟咏情極涕洟指禍福之門陳順逆之理
周旋劇切冀其感悟斯固忠於所奉義不顧私極慮無
隱彌縫其闕者焉其或知媿改圖因以蒙福乃有性習
背訓終焉不悛龜鑑所存良足勸戒

漢韋孟為楚元王傅傅子夷王及孫王戊

韋為楚王傅而歷相三王

也
戊荒淫不遵道孟作詩諷諫曰肅肅我祖國自豕韋

在商為豕韋氏黼衣朱紱四牡龍旂

黼衣畫斧形而白與黑為彩也朱紱為朱衣畫為亞

文也亞古弗字也故因謂之紱字又作黻其音同聲

彤弓斯征撫寧遐荒

言受彤弓之賜

於此得專
征伐也

總齊羣邦以翼大商

翼佐助也

迭彼大彭勳績維

光

大彭豕韋為商伯迭互也言自豕韋氏與大彭互為伯于殷商也迭徒結反

至于有周歷

世會同

繼為諸侯預盟會之事也

王報聽諧實絕我邦

王郝周末王聽讒受諧絕

承韋氏也

我邦既絕厥政斯逸

逸放也管仲曰今而不行謂之放

賞罰之行

非繇王室庶尹羣后靡扶靡衛五服分離宗周以隊

五服

謂甸服侯服綏服要服荒服也庶尹衆官之長也羣后諸侯也隊失也音直類反

我祖斯微畧

于彭城

言我之先祖于此遂微也畧古遷字

在予小子勤諛厥生

諛歎聲音許其

切 院此嫚秦耒耜以耕

言遭秦暴嫚無有列位躬耕于野

悠悠嫚秦上

天不寧廼眷南顧授漢于京

高祖起在豐沛于秦為南故曰南顧言以秦之京邑

授于漢也

於赫有漢四方是征

於讀曰烏烏歎辭也赫明貌凡此詩中諸歎辭稱於者其

音皆同

靡適不懷萬國罔平

懷思也來也罔古攸字攸所也言漢兵所往之處人皆思

附而來萬國所以平也

廼命厥弟建侯于楚俾我小臣惟傳是輔

兢兢元王恭儉靜壹

兢兢戒謹也

惠此黎民納彼輔弼享國

漸世垂烈于後

元王立二十七年而薨垂遺業於後嗣也

廼及夷王克奉厥

緒咨命不永唯王統祀

咨嗟也永長也夷王立四年而薨戊乃嗣立故言不永也

左

右陪臣此惟皇士

皇正也

如何我王不思守保不惟履冰

以繼祖考

惟亦思也言不思念敬慎如履薄冰之義用繼其祖考之業也

邦事是廢逸

遊是娛犬馬繇繇是放是驅

繇與悠同悠悠行貌放放犬也驅驅馬也

務彼

鳥獸忽此稼苗蒸民以匱我王以愉

愉與愉同樂也言衆人失此稼穡以

致困匱而王反以為樂也

所弘非德所親非俊惟囿是恢惟諛是信

恢大也諛諛言也

諭諭諛夫喏喏黃髮

諭諭目媚貌喏喏各反也諭音愉喏各反

如何我王曾不是察既藐下臣追欲從逸

藐遠也與疏同言疏遠也

賢之輔追情欲縱逸遊也下臣孟自謂也從讀曰縱

嫚彼顯祖輕茲削黜嗟嗟我

王漢之睦親

睦密也言服屬近

曾不夙夜以休令聞

休美也令善也聞聲

名也
穆穆天子臨爾下土明明羣司執憲靡顧靡無也言

法無所顧望也顧
讀如古協韻也
正遐繇近殆其怙茲言欲正遠人先

怙恃與漢戚屬不自
最慎以致危殆也
嗟嗟我王曷不此思非思非鑒嗣

其罔則不思鑒戒之義是今
彌彌其失岌岌其國彌彌猶稍

岌岌動貌音五合切
致冰匪霜致隊匪嫚瞻惟我王昔

靡不練言堅冰之成起于微霜墮隊之咎繇于怠慢也
練猶閱歷也言往昔之事皆在王心無所不閱

也
興國救顛孰違悔過追思黃髮秦穆以霸言興復邦

隊之道無如能自悔其過惡秦穆公伐鄭為晉所敗而
歸乃作秦誓曰雖則員然尚猶詢茲黃髮則罔所愆謂

雖有負然之失庶幾以道謀于黃髮之賢則行無所
過矣黃髮老壽之人也謂髮落更生黃也負與云同

月其徂年其逮者

逮及也者者老人面色如垢也言
歲月驟往年將及老不可殆忽也

於

昔君子庶顯於後

於難辭也古昔之君子庶幾
善道所以能大顯于後世也

我王如

何曾不斯覽

覽視也叶
韻音濫

黃髮不近胡不時監

黃髮不近
者斥逮者

老之人也
近其靳反

鄒陽齊人文帝時吳王濞招致四方遊士陽與嚴忌枚
乘等俱仕吳皆以文辨著名久之吳王以太子事怨望
稱疾不朝陰有邪謀陽奏書諫其事尚隱惡指斥言故

先引秦為諭因道胡越齊趙淮南之難然後乃致其意

曰臣聞秦倚曲臺之宮

始皇帝所治之處若漢家未央宮倚恃也

懸衡天下

關西為衡

畫地而人不敢犯兵加胡越

畫地不犯者法制之行也

至其晚

節末路張耳陳勝連從兵之據

從音子容反

以叩函谷咸陽

遠危

叩擊

何則列郡不相親萬室不相救也今胡數涉北

河之外上覆飛鳥下不見伏兔

言胡來人馬之盛揚塵上覆飛鳥下不見伏兔

也一曰覆盡也言上射飛鳥下盡伏免也覆盡是也音方目反

關城不休救兵不止死

者相隨輦車相屬

屬連也音之欲反

轉粟流輸千里不絕何則

疆趙責於河間

趙幽王為呂后所幽死文帝立其長子遂為趙王取趙之河間立遂弟辟疆為

河間王至子哀王無嗣國除遂欲復還得河間

六齊望於惠后

高后割齊濟南郡為呂王台奉

邑又割琅琊郡封營陵侯劉澤為瑯琊王文帝乃立悼惠王六子為王言六齊不保今日之恩而追怨惠帝與

呂后也一說惠帝二年悼惠王入朝呂后欲鴆殺之獻城陽郡尊魯元公主得免六子以此怨之

城陽

顧於盧博

城陽王喜也喜父章與弟興居討諸呂有功本當盡以趙地王章梁地王興居文帝聞其

欲立齊王更以二郡王之章失職戲餘薨興居誅死盧博濟北王治處喜故顧念而怨也

三淮南之

心思墳墓

淮南厲王三子為三王念其父見喪殺思墳墓欲報怨也三子為王謂淮南衡山濟北也

大王不憂臣恐救兵之不專

言諸國各有私怨欲申其志不肯專為吳非不敢相

救也胡馬遂進窺于邯鄲越水長沙還舟青陽

青陽地名也還舟聚

舟船也言胡為趙難越為吳難不可恃也雖使梁并淮陽之兵下淮東越廣

陵以遏越人之糧漢亦折西河而下北守漳水以輔大

國胡亦益進越亦益深此臣之所為大王患也

折截也陽知吳

王陰連結齊趙淮南胡越欲諫不敢指斥言故陳胡越之難齊趙之怨傲言梁并淮陽絕越人之糧漢折西河以輔大國以破難其計欲隱其詞故謬言胡益進越益深為大王患之以錯亂其語若吳為憂助漢者也自此以下乃致其意焉臣聞蛟龍襄首奮翼則浮雲出流霧雨咸集

裏舉也聖王砥節修德則游談之士歸義思名

砥礪也音止

今

臣盡智畢議易精極慮

改易精思以極盡謀慮也

則無國而不可奸

飾固陋之心則何王之門不可曳長裾乎然臣所以歷

數王之朝背淮千里而自致者非惡臣國而樂吳民也

竊高下風之行尤說大王之義

言在下風側聽高尚美悅大王之行義也說讀

曰故願大王之無忽察聽其志臣聞鷙鳥衆百不如一

鷙

鷙擊之鳥鷹鷂之屬也鷙鳥比諸侯鷙鳥比天子也衆古累字鷙音悒

夫全趙之時

全趙

趙未分之時

武力弔士衽服叢臺之下者一旦成市

衽服盛服也弔

士舉弔之士也叢臺趙王之臺也在邯鄲衽音州縣之縣

而不能止幽王之湛患

幽王

謂趙幽王友也湛讀曰洗洗患言幽王為吕后所幽死

淮南連山東之俠死士盈

朝不能還厲王之西也

厲王淮南厲王長也西謂廢連嚴道而死於雍也

而計

議不得雖諸賁不能安其位亦明矣

諸謂專諸賁謂孟賁皆古勇士也

故願大王審畫而已

畫計也音獲

始孝文皇帝據關入立寒

心銷志不明求衣

文帝入關而立以天下多難故乃寒心戰慄未明而起

自立天

子之後使東牟朱虛褒義父之後

天下已定文帝遣朱虛侯章東諭齊王嘉

其首舉兵欲誅諸吕猶春秋褒邾儀父也立天子謂立為天子也義讀曰儀父讀曰甫

深割嬰兒

王之

或曰皇子武為代王恭為太原王揖為梁王

壤子王梁代

文帝第二子又曰梁益之

間所愛謂其肥盛曰壤益以淮陽卒仆濟北囚弟於雍者豈非象

新垣平等哉仆僵仆也濟北王興居反見誅囚弟於雍者淮南王長有罪見徙死於雍所以然者

坐二國有姦臣如新垣平等勸王共反仆音赴今天子新據先帝之遺業左規

山東右制關中變權易勢大臣難知大王弗察臣恐周

鼎復起於漢新垣過計於朝新垣平詐言鼎在泗水中臣望東北汾陰有金寶氣

鼎其在乎弗迎則不至為吳計者則我吳遺嗣不可期

猶新垣平之言周鼎終不可得也言吳當絕無遺嗣也高皇帝燒棧道灌章邯章邯為雍王高祖以水灌

於世矣其城破兵不留行言無所稽留不廢于行收弊民之倦東馳函谷

西楚大破

項羽自號西楚霸王

水攻則章邯以亡其城陸擊則荆

王以失其地

荆亦楚也謂項羽敗走

此皆國家之不幾者也

言不可庶

幾願大王熟察之吳王不納其言於是鄒陽枚乘嚴忌

知吳不可說皆去之梁

枚乘字子叔淮陰人為吳王濞郎中吳王之初怨望謀

為逆也乘奏書諫曰臣聞得全者全昌失全者全亡舜

無立錐之地以有天下禹無十戶之聚以王諸侯

聚聚邑也

音才喻切湯武之土不過百里上不絕三光之明下不傷百

姓之心者有王術也

德政和平上感天象則日月星辰無有錯繆故言不絕三光之明也

故父子之道天性也忠臣不避重誅以直諫

言父子君臣其義一

也

則事無遺策功流萬世臣乘願披腹心而效愚忠唯

大王少加意念惻怛之心於臣乘言夫以一縷之任繫

千鈞之重上懸無極之高下垂不測之淵雖甚愚之人

猶知哀其將絕也馬方駭鼓而驚之

駭亦驚也鼓擊鼓也

繫方絕

又重鎮之繫絕於天不可復結墜入深淵難以復出其

出不出間不容髮

改計取福正在今日言其激切甚急也

能聽忠臣之言

百舉必脫

脫者言免於禍也音吐活切

必若所欲為危於繫卵難於

上天變所欲為易於反掌安於泰山今欲極天命之壽

敵無窮之樂究萬乘之執

敵盡也窮竟也

不出反掌之易以居

泰山之安而欲乘繫卵之危走上天之難

走趨向之也音奏此

愚臣之所大惑也人性有畏其景而惡其跡者卻背而

走跡愈多景愈疾

背音步內切

不如就陰而止景滅跡絕欲

人勿聞莫若勿言欲人勿知莫若勿為欲湯之滄

音悽愴之

愴寒也

一人炊之百人揚之無益也

炊謂爨火也

不如絕薪止

火而已不絕之於彼而救之於此譬猶抱薪而救火也

養繇基楚之善射者也去楊葉百步百發百中楊葉之

大加百中焉可謂善射矣然其所止乃百步之內耳比

於臣乘未知操弓持矢也

乘自言所知者遠非見百步之中故謂繇基為不曉射也

福生有基禍生有胎

基胎皆始也

納其基絕其胎禍何自來

納猶藏也何自來言無所從來也

泰山之雷穿石單極之統斷幹

統古

也單盡也盡極之統斷幹井上四交之幹常為汲索所鏗傷也統音鯁契皆刻也音口計反

水非石

之鑽索非木之鋸漸靡使之然也

靡盡也

夫銖銖而稱之

至石必差寸寸而度之至丈必過

言至小以至於大數則有輕重不同也度

音徒各反

石稱丈量徑而寡失

徑直也

夫十圍之木始生如蘗

足可搔而絕手可擢而拔

如蘗若蘗之生芽也搔謂抓也搔音索高切抓音莊交切

據其未生先其未形也磨礮砥礪不見其損有時而盡

礮亦磨也砥柔石礪阜石皆可以磨者礮音礮

種樹畜養不見其益有時而大

積德累行不知其善有時而用棄義背理不知其惡有時而亡臣願大王熟計而身行之此百世不易之道也吳王不納乘等去而之梁從孝王游景帝即位御史大

夫晁錯為漢定制，度損削諸侯。吳王遂與六國謀反，舉

兵西鄉。

鄉讀曰嚮。

以誅錯為名，漢聞之，斬錯以謝諸侯。枚乘

復說吳王曰：昔者秦西舉胡戎之難，北備榆中之闕。

今所

謂榆關也。

南距羗笮之塞。

笮西南夷也。音才各反。

東當六國之從。

從子容反。

六國乘信陵之籍。

魏公子無忌號信陵君，無忌嘗總五國却秦有地資也。

明蘓秦

之約，厲荆軻之威，并力一心，以備秦。然秦卒禽六國，滅

其社稷而并天下，是何也？則地利不同而民輕重不等。

也。今漢據全秦之地，兼六國之衆，脩戎狄之義。

修恩義以撫夷。

狄而南朝羗笱此其與秦地相什而民相百大王之所

明知也

地十倍於秦民百倍於秦

今夫讒諛之臣為大王計者不論

骨肉之義民之輕重國之大小以為吳禍

言勸王之反則於吳為禍

也此臣所以為大王患也夫舉吳兵以訾於漢

訾量也音子私

反譬猶蠅蚋之附羣牛腐肉之齒利劍鋒接必無事矣

蚋蚊屬齒謂當之也蚋音芮又音人悅反

天子聞吳率失職諸侯願責先王

之遺約

失職謂被削黜失其常分

今漢親誅其三公以謝前過是大

王之威加於天下而功越於湯武也夫吳有諸侯之位

而實富於天子有隱匿之名而居過於中國

隱匿謂僻在東南

夫漢并二十四郡十七諸侯方輸錯出運行數千里不

絕於道其珍怪不如東山之府

言漢此時有二十四郡十七諸侯方軌而輸雜

出貢賦入于天子猶不如異也

轉粟西鄉陸行不絕水行滿河不如海

陵之倉

海陵縣名也有吳太倉鄉讀曰嚮

修治上林雜以離宮積聚玩

好園守禽獸不如長洲之苑

吳苑也以江水流為苑在吳東

游曲臺臨

上路不如朝夕之池

曲臺長安臺臨道上吳為池也

深壁高壘

副以闕城不如江淮之險此臣所以為大王樂也

言其富饒

及游宴之處
踰天子也

今大王還兵疾歸尚得十半

十分之中可
冀五分無患

故云尚
得十半

不然漢知吳之有吞天下之心也赫然加怒遣

羽林黃頭循江而下

羽林黃頭
郎習水戰

襲大王之都魯東海絕

吳之饒道

饒古
餉字

梁王飭車騎習戰射

飭與勅同
餉整也

積粟固

守以備滎陽待吳之饑大王雖欲反都亦不得已

已語
終之

辭

夫三淮南之計不負其約

吳楚反皆守
約不從也

齊王殺身以

滅其跡

齊孝王將閭也吳楚反堅守距三國後孿布聞
齊初與三國有謀欲伐之王懼自殺齊王傳云

吳楚已平齊王乃自殺今茲枚乘諫
書即已稱之二傳不同當有誤者

四國不得出兵其

郡

膠東膠西濟北淄川王也發兵應吳楚皆見誅

趙囚邯鄲

漢將酈寄圍趙王於邯鄲與囚無異

此不可掩亦已明矣

言事已彰著

大王已去千里之國而制

於十里之內矣

梁下屯兵方十里矣

張韓將北地

張張羽韓韓安國也將北地言

將軍而處吳軍之北以拒吳

弓高宿左右

弓高侯韓頹當也宿止也言弓高所將之兵屯止於

吳軍左右也

兵不得下壁軍不得大息臣竊哀之願大王熟

察焉吳王不用乘策卒見禽滅漢已平七國乘繇是知名

韓安國為梁內史梁孝王時公孫詭羊勝說王求為

帝太子及益地事恐漢大臣不聽乃陰使人刺漢用事

謀臣及殺故吳相袁盎景帝遂聞詭勝等計畫乃遣使

捕詭勝必得

必令得之

漢使十輩至梁相以下舉國大索

索搜

也音山
客反

月餘弗得安國聞詭勝匿王所乃入見王而泣

曰主辱者臣死大王無良臣故紛紛至此今詭勝請辭

賜死王曰何至此安國泣數行下曰大王自度於皇帝

孰與太上皇之與高帝及皇帝與臨江王親

孰與猶言何如也

王曰弗如也安國曰夫太上皇臨江親父子間然高帝

曰提三尺取天下者朕也

三尺謂劍也

故太上終不得制事

居於櫟陽臨江適長太子

適讀曰嫡

以一言過廢王臨江

景帝

嘗屬諸姬子太子母栗姬言不遜繇是廢太子栗姬憂死也

用宮垣事卒自殺中尉

府

以侵垣垣徵自殺也

何者治天下終不用私亂公語曰雖有親

父安知不為虎雖有親兄安知不為狼

言其思愛不可必保也今

大王列在諸侯誅邪臣浮說

誅誘也音戍

犯上禁撓明法

撓曲

也音女教反

天子以太后故不恐致法於大王太后日夜涕

泣幸大王自改大王終不覺悟有如太后宮車即晏駕

大王尚誰攀乎語未卒王泣數行而下謝安國曰吾今

出之即日詭勝自殺漢使還報梁事皆得釋

釋也

安國

力也

伍被為淮南王安中郎安陰有邪謀被微諫

私諫之也

後王

坐東宮召伍被欲與計事呼之曰將軍上被曰王安得

亡國之言乎昔子胥諫吳王不用乃曰臣今見麋鹿游

姑蘇

臺名

之臺也今臣亦將見宮中生荆棘露沾衣也於

是王怒繫被父母囚之復召被曰將軍許寡人乎被曰

小臣將為大王畫計耳臣聞聰者聽於無聲明者見於

未形

言智慮通達事未形兆皆預見

故聖人萬舉而萬全文王一動而

功顯萬世列為三王所謂因天心以動作者也王曰方

今漢庭治乎亂乎被曰天下治王不說

說讀曰悅

曰公何以

言天下治也被對曰被竊觀朝廷君臣父子夫婦長幼

之序皆得其理上之舉錯遵古之道

錯音干故反

風俗紀綱

未有所缺重裝富賈周流天下道無不通交易之道行

南越賓服羌隸貢獻東甌入朝

隸西南夷也音蒲北反

廣長榆

廣謂

斥大之也長榆塞名王恢所謂樹榆以為塞也長榆開
在朔方即衛青傳所云榆谿舊塞是也或謂之榆中開

朔方匈奴折傷雖未及古太平時然猶為治王怒被謝
死罪王又曰山東即有變漢必使大將軍將而制山東
公以為大將軍何如人被曰臣所善黃義從大將軍
擊匈奴言大將軍遇士大夫以禮與士卒有恩衆皆樂
為用騎上下山如飛膂力絕人如此數將習兵未易當
也及謁者曹梁使長安來言大將軍號令明當敵勇常
為士卒先須士卒休乃舍穿井得水乃敢飲軍罷士卒
已踰河乃渡皇太后所賜金帛盡以賞賜雖古名將不

過是也王曰夫蓼太子

淮南太子也亦猶漢之栗太子也

知畧不世出

非常人也以為漢廷公卿列侯皆如沐猴而冠耳被曰

獨先刺大將軍乃可舉事王復問被曰公以為吳舉兵

非邪被曰非也夫吳王賜號為劉氏祭酒

祭祠時唯尊長者以酒沃

酌受几杖而不朝王四郡之衆地方數千里采山銅以

為錢煮海水以為鹽伐江陵之木以為船國富民衆行

珍寶賂諸侯與七國合從舉兵而西破大梁敗狐父

在梁

碣之間也

父音甫奔走而還為越所禽死於丹徒

東潤州縣也

頭足

異處身滅祀絕為天下戮

天下之人皆共戮之
一曰天下之大戮也

夫以吳

衆不能成功者何也誠逆天違衆而不見時也王曰男

子之所死者一言耳

言男子感氣相許一言不顧其死
或曰一言之恨不顧危亡以此致

死且吳何知反漢將一日過成臯者四十餘人

言不知
塞成臯

口而令漢將得出
之是不知反計也

今我令緩先要成臯之口

緩者名也
不知其姓

今流俗書本於緩
上妄加樓字非也

周被下潁川兵塞轅轅伊關之道陳

定發南陽兵守武關河南太守獨有雒陽耳

如此計則
漢河南郡

唯有雒陽在
耳餘皆不屬

何足憂然此北尚有臨晉關河東上黨與河

內趙國界者通谷數行

言此北尚險阻其谿谷可得通行者有數處

人言絕

成臯之道天下不通據三川之險招天下之兵公以為

何如被曰臣見其禍未見其福也後漢逮淮南王孫建

繫治之王恐陰事泄謂被曰事至吾欲遂發天下勞苦

有間矣

有間猶言中間已有也故謂此者皆為間

諸侯頗有失行皆自疑我

舉兵西鄉必有應者

鄉讀曰窩

無應即還畧衡山勢不得不

發被曰畧衡山以擊廬江有潯陽之船守下雒之城

下雒

江夏縣名結九江之浦絕豫章之口疆弩臨江而守以禁南

郡之下東保會稽南通勁越屈強江淮間

屈音具
勿反

可以

延歲月之壽耳未見其福也王曰左吳趙賢朱驕如皆

以為什八九成

吳賢驕如
王之三臣

公獨以為無福何被曰大王

之羣臣近幸素能使衆者皆前繫詔獄餘無可用者王

曰陳勝吳廣無立錐之地百人之聚起於大澤奮臂大

呼天下鄉應

呼音大故反
鄉讀曰嚮

西至於戲而兵百二十萬今

吳國雖小勝兵可得二十萬公何以言有禍無福被曰

臣不敢避子胥之誅願大王無為吳王之聽往者秦為

無道殘賊天下殺術士燔詩書滅聖迹棄禮義任刑法

轉海瀕之粟致於河西

瀕涯也海瀕謂綠海涯之地瀕音頻又音賓

當是之

時男子疾耕不足於糧餽

餽古饋字也

女子紡績不足於蓋

形遣蒙恬築長城東西數千里暴兵露師嘗數十萬死

者不可勝數僵尸滿野流血千里於是百姓力屈

屈盡也音

其勿切欲為亂者十室而五又使徐福入海求仙藥多齋

珍寶童男女三千人五種百工而行

五種五穀之種也

徐福入

平原大澤止王不來於是百姓悲痛愁思欲為亂者十

室而六又使尉佗踰五嶺攻百越尉佗知中國勞極止

王南越

南海尉任囂謂趙佗曰聞陳勝等作亂豪傑叛秦相立即被佗書行南海尉事囂死後佗始自

為王今此乃言尉佗先王陳勝乃反此蓋一時對辭伍被不究其實行者不還往者莫返

於是百姓離心瓦解欲為亂者十室而七興萬乘之駕

作阿房之宮收大半之賦發閭左之戍父不寧子兄不

安弟

言不能相保

政苛刑慘民皆引領而望傾耳而聽悲號

仰天叩心怨上

叩擊也

欲為亂者十室而八容謂高皇帝

曰時可矣高帝曰待之聖人當起東南間不一歲陳吳

大呼

中間不經一歲也呼音火故反

劉項并和天下嚮應

和音胡卧反嚮讀曰響

所謂蹈瑕釁因秦之亡時而動百姓願之若枯旱之望

雨故起於行陳之中以成帝王之功今大王見高祖得

天下之易也獨不觀近世之吳楚乎當今陛下臨制天

下一齊海內汜愛蒸庶

汜音也蒸亦衆也汜音敷釵反

布德施惠口雖

未言聲疾雷震令雖未出化馳如神心有所懷威動千

里下之應上猶影嚮也

言如影之隨形嚮之應聲嚮讀曰響

而大將軍材

能非直章邯楊熊也王以陳勝吳廣論之被以為過矣

也過誤

且大王之兵衆不能什分吳楚之一天下安寧又

萬倍於秦時願王用臣之計臣聞箕子過故國而悲作

麥秀之歌

箕子將朝周過殷故都見麥及禾黍心悲乃作歌曰麥秀之漸漸兮黍苗之繩繩兮彼狡

童兮不與我好兮狡童謂紂也

痛紂之不用王子比干之言也故孟子

曰紂貴為天子死曾不如匹夫是紂先自絕久矣非死

之日天去之也今臣亦竊悲大王棄千乘之君將賜絕

命之書為羣臣先

在羣臣先死

身死於東宮也

王時所居所也

被囚

流涕而起王復召問被苟如公言不可以徼幸邪

徼幸也幸

非望之福也

被曰必不得已被有愚計王曰奈何被曰當今

諸侯無異心百姓無怨氣朔方之郡土地廣美民徙者

不足以實其地可為丞相御史請書

謂詐為此文書今徙人也

徙郡

國豪傑及耐罪已上以赦令除家產五十萬以上者皆

徙其家屬朔方之郡

以赦令除謂赦免罪者

益發甲卒急其會日

促其期日

又為左右都司空上林中都官詔獄書

宗正有左右都司空

上林有水司空皆主囚徒官也中都官京師諸官府也

以逮諸侯太子及幸臣如

此則民怨諸侯懼即使辯士隨而說之黨可以徵幸

黨讀

曰王曰此可也雖然吾以為不至若此專發而已言不

儻
此詐直自發兵而已

後事發覺被詣吏自告遂坐誅

田叔為魯相

王欽若等曰張敖子魯王偃也

初至官民以王取其財

物自言者百餘人叔取其渠率二十人笞怒之曰王非

汝主邪何敢自言主魯王聞之大慙發中府錢使相償

之

中府王之財物藏也

相曰王自使人償之不爾是王為惡而相

為善也

不爾是則王為惡

魯王好獵相嘗從入苑中王輒休相

就館相嘗暴坐苑外

於外自暴露而坐

終不休曰吾王暴露何

為舍王以故不大出遊

韓義為燕刺王旦國郎中旦之謀逆也義諫而死國人
閔之

王吉昭帝時為昌邑王中尉王好遊獵驅馳國中動作
亡節吉上疏諫曰臣聞古者師日行三十里吉行五十

里詩云匪風發兮匪車揭兮顧瞻周道中心惻兮

檜風
匪風

之篇發飄風貌揭疾驅馳惻古怛字傷也言見此
飄風及疾驅則顧念哀傷思周道也揭音丘列反說曰

是非古之風也發發者是非古之車也揭揭者蓋傷之

也今之發發然者非古有道之風也今之揭揭然者非古有道之車也故傷之今者大王幸

方與縣名也曾不半日而馳二百里百姓頗廢耕桑治道

牽馬臣愚以為民不可數變也教音昔召公述職召讀曰邵

當民事時舍於棠下而聽斷焉舍息也是時人皆得其所

後世思其仁恩至乎不伐甘棠甘棠之詩是也大王不

好書術而樂逸游馮式搏銜搏挫也音子奔反馳騁不止口倦

乎叱咤咤亦吒字也音竹駕反手苦於筮筮音止累反身勞乎車輿

朝則冒霧露晝則被塵埃冒音莫克切夏則為大暑之所暴

炙冬則為風寒之所匿薄

匿與偃同言遇疾風則偃靡也薄迫也

數以與

脆之玉體犯勤勞之煩毒

爽音而充反

非所以全壽命之宗

也

宗尊也

又非所以進仁義之隆也

隆高也

夫廣廈之下細

旃之上

廣廈大屋也旃與瑾同

明師居前勸誦在後上論唐虞之

際下及殷周之盛考仁聖之風習治國之道訢訢焉發

憤忘食日新厥德

訢古欣字

其樂宜徒銜楬之間哉

銜馬銜概車鉤

心概音其月反

休則俯仰誦信以利形

形體也信讀曰伸

進退步趨以

實下

今人不行則膝已下虛弱不實

吸新吐故以練藏專意積精以適

神

藏五臟也練練其氣也適和也

於以養生豈不長哉大王誠留意如

此則心有堯舜之志體有喬松之壽

喬松仙人伯喬及赤松子也

美

聲廣譽登而上聞則福祿其驟而社稷安矣

驟與驟同殊至也

皇帝仁聖至今思慕未息

皇帝言昭帝也言武帝晏駕未久故尚思慕

於宮

館園池弋獵之樂未有所幸大王宜夙夜念此以承聖

意諸侯骨肉莫親大王大王於屬則子也於位則臣也

一身而二任之責加焉恩愛行義纖介有不具者於以

上聞非饗國之福也臣吉愚慙願大王察之王賀雖不

遵道然猶知敬禮吉乃下令曰寡人造行不能無情中

尉甚忠數輔吾過遣謁者千秋賜中尉牛肉五百斤酒

五石脯五束其後復放從

從音子用反

吉輒諫諍甚得輔弼

之義雖不治民國中莫不敬重焉及大將軍霍光秉政

遣大鴻臚宗正迎昌邑王吉即奏書戒王曰臣聞高宗

諒闇三年不言今大王以喪事徵宜日夜哭泣悲哀而

已慎母有所發

發謂興舉衆事

且何獨喪事凡南面之君何言

哉天不言四時行焉百物生焉願大王察之大將軍仁

愛勇智忠信之德天下莫不聞事孝武皇帝二十餘年

未嘗有過先帝棄羣臣屬以天下寄幼孤焉

屬音之欲切

大

將軍抱持幼君襁褓之中布政施教海內晏然雖周公

伊尹亡以加也今帝亡嗣大將軍惟思可以奉宗廟者

攀援而立大王

援引也音爰

其仁厚豈有量哉

言其深多也量音力向反

臣願大王事之敬之政事一聽之大王垂拱南面而已

願留意常以為念

龔其遂字少卿山陽人為昌邑郎中令事王賀動作多不

正遂為人忠厚剛毅有大節內諫諍於王外責傳相引

經義陳禍福至於涕泣蹇蹇亡已

蹇蹇不阿順之意也
易蹇卦曰王臣蹇蹇

面刺王過王至掩耳起走曰郎中令善媿人

媿古愧字
愧辱也

及國中皆畏憚焉

王及國人
皆憚之

王嘗久與駟奴宰人游戲

飲食賞賜亡度遂入見王涕泣膝行左右侍御皆出涕

王曰郎中令何為哭遂曰臣痛社稷危也願賜清閒竭

愚王辟左右

閒讀曰閑
辟音開

遂曰大王知膠西王所以為無

道亡乎王曰不知也曰臣聞膠西王有諛臣侯得王所

為擬於桀紂也

也 擬比

得以為堯舜也王說其謠諛常與

寢處

說讀曰悅

唯得所言以至於

唯用得之邪言故致亡

今大王親

近羣小漸漬邪惡所習存亡之機不可不慎也臣請選

郎通經術有行義者與王起居坐則誦詩書立則習禮

容宜有益王許之遂乃選郎中張安等十八人侍王居

數日王皆逐去安等及王被徵乘七乘傳詣長安邸夜

漏未盡一刻以火發書其日中賀發舖時至定陶行百

三十五里侍從者馬死相望於道遂諫王令還郎謁者

五十餘人賀到濟陽求長鳴雞

鳴聲長者也

道買積竹杖

合竹

作杖也

過弘農使大奴善以衣車載女子

凡言大奴者謂奴之尤長大者

也

至湖

即湖縣

使者以讓相安樂

使者長安使人也讓責也

安樂告遂

遂入問賀賀曰無有遂曰即無有何愛一善以毀行義

請收屬吏

以善付吏也屬音之欲切其下亦同

以湔灑大王

湔澣也灑濯也湔子顛反

灑先禮反

即梓善屬衛士長行法

梓持頭也衛士長主衛之官梓音才兀反

賀到

霸上大鴻臚郊迎駟奉乘輿車王使僕壽成御郎中令

遂參乘旦至廣明東都門遂曰禮奔喪望見國都哭此

長安東郭門也賀曰我嗌痛不能哭

嗌疾咽也音益

至城門遂

復言賀曰城門與郭門等耳旦至未央宮東闕遂曰昌

昌帳在是闕外馳道北

弔哭帳也是謂此

未至帳所有南北行

道馬足未至數步大王宜下車鄉闕西面伏哭盡哀止

鄉讀曰嚮

王曰諾到哭位如儀王受皇帝璽綬即位二十七

日行淫亂廢賀歸故國初賀在國時數有怪嘗見白犬

高三尺無頭其頸以下似人而冠方山冠後見熊左右

皆莫見又大鳥飛集宮中王知惡之輒以問遂為言其

故王仰天歎曰不祥何為數來遂叩頭曰臣不敢隱忠
數言危亡之戒大王不說夫國之存亡豈在臣言哉願

王內自揆度大王誦詩三百五篇人事決王道備

決徹也

王之所行中詩一篇何等也

言王所行皆不合法度王自謂當於何詩之文也

大王位為諸侯王行汙於庶人以存難以亡易宜深察
之後又血汙王坐席王問遂遂叫然號曰宮空不久妖
祥數至血者陰憂象也宜畏慎自省賀終不改節居無
何徵既即位後王夢青蠅之矢積西階東可五六石以

屋版瓦

版瓦大瓦也

覆發視之青蠅矢也以問遂遂曰陛下

之詩不云乎

猶言陛下所讀之詩也

營營青蠅至于藩愷悌君子

毋信讒言陛下左側讒人衆多如是青蠅惡矣

惡即矢也越王

勾踐為吳王嘗惡亦其義也

宜進先帝大臣子孫親近以為左右如

不忍昌邑故人

如若也不忍謂不能疎遠也

信用讒諛必有凶咎願

挽禍為福皆放逐之臣當先逐矣賀不用其言卒至於

廢

王式為昌邑王師昌邑王嗣立以行淫亂廢昌邑羣臣

皆下獄誅唯中尉王吉郎中令龔遂以數諫減死論式
繫獄當死治事使者責問曰師何以亡諫書式對曰臣
以詩三百五篇朝夕授王至於忠臣孝子之篇未嘗不
為王反復誦之也至於危亡失道之君未嘗不流涕為
王深陳之也臣以三百五篇諫是以亡諫書使者以聞
亦得減死論

張敞為膠東相王太后數出游獵敞奏書諫曰臣聞秦
王好淫聲葉陽后為不聽鄭衛之樂

葉陽秦昭王后也音式涉反

楚

莊好田獵樊姬為不食鳥獸之肉

樊姬楚莊王姬也

口非惡音

甘耳非憎絲竹也所以抑心意絕者慾者

者讀曰嗜

將以率

二君而全宗祀禮君母出門則乘輜軒下堂則從傅母

輜軒

衣車也輜音苗又楚疑切軒步干反

進退則鳴玉佩內飾則結綢繆

謂衣裳結

束綢繆也組紐之屬所以自結固也綢直留反繆亡蚪反

此言尊貴所以自斂制不

從恣之義也

從讀曰縱

今太后資質淑美慈愛寬仁諸侯莫

不聞而少以田獵縱欲為名於以上聞亦未宜也

上聞開於

天子也唯觀覽於往古全行乎來今令后姬得有所法則

下臣有所稱誦啟幸甚書奏太后止不復出

後漢桓郁為侍中入授皇太子經太子賜郁鞍馬刀劍
郁乃上書皇太子曰伏見太子體性自然包含今古謙
謙允恭天下共見郁父子受恩無以明益夙夜慚懼誠
思自竭愚以為大子上當聖心下當卓絕於衆宜思遠
慮以光朝廷

何敞為濟南王傅王康奢侈恣欲游觀無節敞上疏諫
康曰蓋聞諸侯之義制節謹度然後能保其社稷和其

民人大王以骨肉之親享食茅土當施張政令明其典
法出入進止宜有期度與馬臺隸應為科品而今奴婢
廐馬皆有千餘增無用之口以自蠶食宮婢閉隔失其
天性感亂和氣又多起內第觸犯防禁費以巨萬而功
猶未半夫文繁者質荒木勝者人亡皆非所以奉禮承
上傳福無窮者也故楚作章華以凶吳興姑蘇而減景
公千駟民無稱焉今數游諸第晝夜無節又非所以遠
防未然臨深履薄之法也願大王修恭儉遵古制省奴

婢之口減乘馬之數斤私用之富節游觀之宴以禮起
居則敬乃敢安心自保惟大王深慮愚言康素敬重敬
雖無嫌悟然終不能改

冊府元龜卷七百十二

欽定四庫全書

冊府元龜卷七百十三

宋 王欽若等 撰

宮臣部

規諷第二

魏崔琰為太祖別駕從事太祖北征并州留琰傅文帝於鄴世子仍出田獵變易服乘志在驅逐琰書諫曰蓋聞盤于游田書之所戒魯隱觀魚春秋譏之此周孔之格言二經之明義殷鑒夏后詩稱不遠子卯不樂禮以

為忌此又近者之得失不可不深察也袁族富強公子

王欽若等曰袁族言袁紹之家也

寬放盤游滋侈義聲不聞哲人君子

俄有色斯之志熊羆壯士墮於吞噬之用固所以擁徒
百萬跨有河朔無所容足也今邦國殄瘁惠康未洽士
女企踵所思者德況公親御戎馬上下勞憊世子宜遵
大路慎以行正思經國之高畧內鑒近戒外揚遠節深
惟儲副以身為寶而猥褻虞旅之賤服忽馳騫而陵險
志雉免之小娛忘社稷之為重斯誠有識所以惻心也

唯世子燔翳捐褶以塞眾望不令老臣獲罪於天世子報曰昨奉嘉命惠示雅教欲使燔翳捐褶翳已壞矣褶亦去焉後有此比蒙復誨諸

劉楨為平原侯植庶子時邢顒為植家丞顒防閑以禮無所屈撓由是不合楨書諫曰家丞邢顒北土之彥少秉高節玄靜澹泊言少理多真雅士也楨誠不足同貫斯人並列左右而楨禮遇特殊顒反疏簡私懼觀者將謂君侯習近不肖禮賢不足採庶子之春華忘家丞之

秋實為上招謗其罪不小以此反側

蜀譙周字允南後主為太子以周為家今後主時頗出
遊觀增廣聲樂周上疏諫曰昔王莽之敗豪傑並起跨州
據郡欲弄神器世祖初入河北賢才智士思望所歸未
必以其勢之廣狹唯其德之厚薄也

霍弋為太子中庶子太子璿好馳射出入無度弋援引
古事盡言規諫甚得切磋之體

吳程秉為太子傅黃武四年迎太子登妃於吳既還秉

從容進說登曰婚姻人倫之始王教之基是以聖王重
之所以率先衆庶風化天下故詩美關雎以為稱首願
太子尊禮教於閨房存周南之所詠則道化隆於上頌
聲作於下矣登笑曰將順其美規救其惡誠所賴於傅
君也

晉齊王攸為太子太傅獻箴於太子

王欽若等曰太子即惠帝也

曰

伊昔上皇建國立君仰觀天文俯察地理創業恢道以
安人承祀祚延統重故援立太子尊以弘道固以貳已

儲德既立邦有所恃夫親仁者功成邇佞者國傾故保
相之材必擇賢明昔在周成旦奭作傅外以明德自輔
內以親親五固德以義濟親則自然羸廢公族其推如
山劉建子弟漢祚永傳楚以無極作亂宋以伊戾興難
張禹佞給卒危彊漢輔弼不忠禍及乃躬匪徒乃躬乃
喪乃邦無曰父子不間昔有江充無曰至親匪貳或容
潘崇諛言亂真譖潤離親驪姬之讒晉侯疑申固親以
道勿固以恩修身以敬勿託以尊自損者有餘自益者

彌昏庶事不可以不恤大本不可以不敦見亡戒危觀
安思存冢子司義敢告在閣

陸雲為吳王晏郎中令晏於西園大營第室雲上書曰
臣竊見世祖武皇帝臨朝拱默訓世以儉即位二十有
六載宮室臺榭無所新崇屢發明詔厚戒豐奢國家纂
承務在遵奉而世俗陵遲家競盈溢漸漬波蕩遂已成
風雖嚴詔追述先帝節儉之教懇切之旨刑于四海清
河王毀壞成宅以奉詔命海內聽望咸用欣然臣以先

帝遺教日以陵替今以國家協崇大化追闡前蹤者實
在殿下先敦素樸而後可以訓正四方凡在崇麗一宜
節之以制然後上厭帝心下允時望臣以凡才特蒙拔
擢亦思竭忠效節以報所受之施是以不慮犯逆敢陳所
懷如愚臣言有可採乞垂三省時晏信任部將使覆察
諸官錢帛雲又陳曰伏見今書以部曲將李咸馮南司
馬吳定給使徐泰等覆校諸官市買錢帛簿臣愚以聖
德龍興光有大國選衆官材庶工隸業中尉該大農誕

皆清廉淑慎恪居所司其下衆官悉州閭一介踈闇之
咎雖可日聞至處義用情庶無大戾今咸南軍旅小人
定泰士卒廝賤非有清慎素著忠公足稱大臣所闕猶
謂未詳咸等督察然後得信既非開國勿用之義又傷
殿下推誠曠蕩之量雖使咸等能盡節益國而功利百
倍至於光輔國美猶未若開懷信士之無失况所益不
過姑息之利而使小人用事大道陵替此臣所以慷慨
也臣備位大臣職在獻可苟有管見敢不盡規愚以宜

發明令罷此等覆察庶事一付治書則大信臨下人思
盡節矣

江統為愍懷太子洗馬在東宮累年甚被親禮太子頗
好遊宴或闕朝覲又奢費過度多諸禁忌統上書諫曰
臣聞古之為臣進思盡忠退思補過獻可替否拾遺補
闕是以人主得以舉無失行言無口過德音發聞揚名
後世臣等不逮無能云補思竭愚誠謹陳五事如右惟
蒙一省再省少垂察納其一曰六行之義以孝為首虞

舜之德以孝為稱故太子以朝夕視君膳為職左右就
養無方文王之為世子可謂篤於事親者也故能擅一
代之美為百王之宗自項聖體屢有疾患數闕朝侍遠
近觀聽者不能深知其故以致疑惑伏願殿下雖有微
苦可堪扶輿則宜自力易曰君子終日乾乾蓋自勉彊
不息之謂也其二曰古之人君雖有聰明之姿睿詰之
質必須輔弼之助相導之功故虞舜以五臣興周文以
四友隆及成王之為太子也則周召為保傅史佚昭文

章故能聞道早備登崇大業刑措不用流聲洋溢三曰
古之聖王莫不以儉為德故堯稱采椽茅茨禹稱卑宮
惡服漢文身衣弋絺足履革舄以身先物政致太平存
為明主沒見宗祀及諸侯修之者魯僖以恭儉節用聲
列雅頌蚘冒以篳路藍縷用張楚國大夫修之者文子
相魯妻不衣帛晏嬰相齊鹿裘不補亦能匡君濟俗興
國隆家庶人修之者顏回以簞食瓢飲揚其仁聲原憲
以蓬戶繩樞邁其清德此皆聖主明君賢臣智士之所

履行也故能懸名日月永世不朽蓋儉之福也及至末世以奢失之者帝王則有瑤臺瓊室玉杯象箸肴膳之珍則熊燔豹胎酒池肉林諸侯為之者至於丹楹刻桷餼徵百牢大夫有瓊弁玉纓庶人有擊鍾鼎食亦因不亡國喪宗破家失身醜名彰聞以為後戒切聞後園鐘飾金銀刻磨犀象畫室之巧課試日精臣等以為今四海之廣萬物之富以今方古不足為侈也然上之所好下必從之是故居上者必慎其所好也昔漢光武皇帝

時有獻千里馬及寶劍者馬以駕馭車劍以賜騎士世祖武皇帝有上雉頭裘者即詔有司焚之都街高世之主不尚尤物故能正天下之侈刑四方之風臣等以為畫室之功可且減省後園雜作一皆罷遣肅然清靜優游道德則日新之美光于四海矣其四曰以天下而供一人以百里而供諸侯故王侯食籍而衣稅公卿大夫受爵而資祿莫有不贍者也是以士農工商四業不離交易而退以通有無者庶人之業也周禮三市旦則百

族晝則商賈夕則販夫販婦買賤賣貴販鬻菜果收十
百之盈以救旦夕之命故為庶人之貧賤者也樊遲匹
夫請學為圃仲尼不答魯大夫臧文仲使妾織蒲又譏
其不仁公儀子相魯則拔其園葵言食祿者不與貧賤
之人爭利也秦漢以來風俗轉薄公侯之尊莫不殖園
圃之田而收市井之利漸染相倣莫以為恥乘以古道
誠可愧也今西園賣葵菜藍子雞麩之屬虧敗國體貶
損令聞其五曰竊見禁土令不得繕修牆壁動正屋瓦

臣以為此既違典彛舊義且以拘攣小忌而廢弘廓大道宜可蠲除於事為宜朝廷善之

杜錫預之子也為太子中舍人性亮直忠烈屢諫愍懷

太子言辭激切

裴權為愍懷太子詹事太子性剛知賈謚恃后之貴不能假借之謚至東宮或捨之而於後庭遊戲權諫曰賈謚甚有寵於中宮而有不順之色若一旦交構大事去矣宜深自謙屈以防其變廣延賢人用自輔翼太子不

能從

曹攄為齊王問記室督問輔政嘗從容問攄曰天子為
賊臣所逼莫有能奮吾率四海義兵興復王室今入輔
朝廷救振時難或有勸吾還國於卿意何如攄曰蕩平
國賊興復帝祚古今人臣之功未有如大王之盛也然
道因隆而不殺物無盛而不衰非唯人事抑亦天理竊
預下問敢不盡情願大王居高慮危在盈思冲精選百
官存公屏欲舉賢進善務得其才然後脂車秣馬高揖

歸藩天下同慶摠等幸甚罔不納

王豹順陽人也少而抗直為齊王罔大司馬主簿罔驕
縱失天下心豹致牋於罔曰豹聞王臣蹇蹇匪躬之故
將以安主定時保存社稷者也是以為人臣而欺其君
者刑罰不足以為誅為人主而逆其諫者幽厲不足以
為謚伏惟明公虛心下士開懷納善款誠以著而逆耳
之言未入於聽豹伏思晉政漸缺始自元康以來宰相
在位未有一人獲終乃事勢使然未為輒有不善也今

公尅平禍亂安國定家故復因前傾敗之法尋中間覆
車之軌欲冀長存非所敢聞今河間樹根於關右成都
盤桓於舊魏新野大封於江漢三面貴王各以方剛強
盛並典戎馬處險害之地且明公興義討逆功蓋天下
聖德光茂名震當世今以難賞之功挾震主之威獨據
京都專執大權進則亢龍有悔退則蒺藜生庭冀此求
安未知其福敢以淺見陳寫愚情昔武王伐紂建諸侯
為二伯自陝以東周公主之自陝以西召公主之及至

其末霸國之世不過數州之地四海強兵不敢入闕九
鼎所以然者天下習於所奉故也今誠能尊用周法以
成都為北州伯統河北之王侯明公為南州伯以攝南
土之官長各因本職出居其方樹德於外盡忠於內歲
終率所領而貢於朝簡良才命賢雋以為天子百官則
四海長寧萬國幸甚明公之德當與周召同其至美危
敗路塞社稷可保願明公思高祖納婁敬之策悟張良
履足之謀遠臨深之危保泰山之安若合聖思宛許可

都也書入無報豹重賤曰豹書御以來十有二日而聖
旨高遠未垂採察不賜一字之令不敕可否之宜蓋霸
王之神寶安危之秘術不可須臾而忽者也伏思明公
挾大功抱大名懷大德執大權此四大者域中所不能
容聖賢所以戰戰兢兢日昃不暇食雖休勿休者也昔
周公以武王為兄成王為君伐紂有功以親輔政執德
弘深聖思博遠至忠至仁至孝至敬而攝事之日四國
流言離主出奔居東三年賴風雨之變成王感悟若不

遭皇天之應神人之察恐公旦之禍未知所恨也至於
執政猶與召公分陝為伯今明公自視功德孰如周公
元康已來宰相之患危機竊發不及容思密禍潛起輒
在呼吸豈復晏然得全生計前鑒不遠公所親見也君
子不有遠慮必有近憂憂至悔悟無所及也今若從豹
此策皆遣王侯之國北與成都分河為伯成都在鄴明
公都宛寬方千里以與圻內侯伯子男小大相率結好
要盟同獎皇家貢御之法一如周典若合聖規可先與

成都共論雖以小才願備行人昔廝養燕趙之微者耳
百里奚秦楚之商人也一開其說而兩國以寧況豹雖
陋大州之綱紀加明公起事險難之主簿也故身雖輕
其言未必否也問今日得前後白事具意輒別思量也
會長沙王又至於問案上見豹牋謂問曰小子離間骨
肉何不銅駝下打殺問既不能嘉豹之策遂納又言乃
奏豹曰臣忿姦凶肆逆皇祚顛墜與成都長沙新野共
興義兵安復社稷惟欲戮力皇家與親親宗室腹心從

事此臣夙夜自誓無負神明而主簿王豹比有白事敢
造異端謂臣忝備宰相必遭危害慮在一旦不祥之聲
可躡足而待欲臣與成都分陝為伯盡出藩王上誣聖
朝鑒御之威下長妖惑疑阻衆心嚙啗背憎巧賣兩端
訕上謗下讒內間外遘惡導奸坐生猜嫌昔孔丘輔魯
而誅少正子產相鄭先戮鄧析誠以交亂名實若趙高
詭怪之類也豹為臣不忠不順不義輒敕都街考竟以
明邪正豹將死曰懸吾頭大司馬門見兵之攻齊也衆

庶寃之俄而罔敗

祖納為趙王倫太子庶子東萊王蕤齊獻王攸之子也
歷步兵屯騎校尉蕤性強暴使酒數陵侮弟罔罔以兄
故容之罔起義兵趙王倫收蕤及弟北海王宴繫廷尉
當誅納上疏諫曰罪不相及惡止其身此先哲之弘謨
百王之達制也是故鯀既殛禹乃嗣興二叔誅放而
邢衛無責逮乎戰國及至秦漢明恕之道寢猜嫌之情
用乃立質任以御衆設從罪以發奸其所由來蓋三代

之弊法耳。粲實獻王之子，明德之裔，宜蒙特宥，以全穆親之典。會孫秀死，粲等悉得免。

邵續為成都王。穎叅軍，穎將討長沙王。又續諫曰：「續聞兄弟如左右手，今明公當天下之敵，而欲去一手乎？續竊惑之，穎不納。」

溫嶠為太子中庶子

太子即明帝也

數見規諷，又獻侍臣箴甚

有弘益。時太子起西池樓，觀頗為勞費。嶠上疏以為朝廷草創，巨寇未滅，宜應儉以率下，務農重兵。太子納焉。

王敦舉兵內向六軍敗績太子將自出戰嶠執鞚諫曰
臣聞善戰者不怒善勝者不武如何萬乘儲副而以身
輕天下太子乃止

庾亮為中書郎領著作侍講東宮時元帝方事刑法以
韓子賜皇太子亮諫以申韓刻薄傷化不足留聖心太
子甚納焉

宋劉混之為竟陵王誕司空主簿誕有寶琴左右犯其
徽誕罰焉混之諫誕曰此余寶也混之曰前哲以善人

為寶不以珠玉為寶故王孫圉稱觀射父為楚國之寶未聞以琴瑟為寶誕忸然不悅

南齊袁廓之為太子洗馬于時何澗亦稱才子為文惠太子作楊畔歌辭甚惻麗太子甚悅廓之諫曰夫楊畔者既非典雅而聲甚哀思殿下當降意簫韶奈何聽亡國之響太子改容謝之

梁江淹初仕宋為巴陵王景素左常侍景素為荊州淹從之鎮少帝即位多失德景素專據上流咸勸因此舉

事淹每從容諫曰流言納諫二叔所以同亡抵局銜怨
七國於焉俱斃殿下不求宗廟之安而信左右之計則
復見麋鹿雲露棲於姑蘓之臺矣景素不納及鎮京口
淹又為鎮軍參軍事領南東海郡丞景素與腹心日夜
謀議淹知禍機將發乃贈詩十五首以諷焉

范雲初仕齊為竟陵王子良主簿恩禮甚隆雲每獻損
益未嘗阿意子良嘗啓齊武帝論雲為郡帝曰庸人聞
其嘗相賣弄不復窮法當宥之以遠子良曰不然雲動

相規誨諫書俱存請取以奏既至有百餘紙辭皆切直
帝歎息因謂子良曰不謂雲能爾方使弼汝何宜出守
齊文惠太子嘗出南田觀穫稻顧謂衆賓曰刈此亦殊
可觀衆皆唯唯雲獨曰夫三時之務實為勤勞伏願殿
下知稼穡之艱難無徇一朝之宴逸也既出侍中蕭緬
先不相識因就車握雲手曰不謂今日復聞謹言

周弘正為晉安王主簿及昭明太子薨其嗣華容公不
得立乃以晉安王為皇太子弘正乃奏記曰竊聞撝謙

之象起於羲軒文畫揖讓之原生於堯舜禪受其來尚
矣可得而詳焉夫以廟堂汾水殊途而同歸稷契巢許
異名而一貫出者稱為元首處者謂之外臣莫不內外
相資表裏成治斯蓋萬代同規百王不易者也暨于三
王之世浸以陵夷各親其親各子其子乃至七國爭雄
劉項競逐皇漢扇其俗有晉揚其波謙讓之道廢多歷
年所矣夫文質遞變澆淳相革還樸反古今也其時伏
惟明大王殿下天挺將聖聰明神武百辟冠冕四海歸

仁是以皇上發德音下明詔以大王為國之儲副乃天下之本焉雖復夏啓周誦漢儲魏兩此數君者安足道哉意者願聞殿下抗目夷上仁之義執子臧大賢之節逃王輿而弗乘棄軒冕如脫屣庶改澆競之俗以大吳國之風古有其人今聞其語能行之者非殿下而誰能使無為之化復興於遠古讓王之道不墜於來葉豈不盛歟弘正陋學書生義慙稽古家自汝潁世傳忠烈先人決曹掾燕高節萬乘正色三府雖盛德之業將絕而

狂直之風未墜是以敢布腹心肆其愚瞽如使芻言野
說少陳於聽覽縱復委身烹鼎之下絕命肺石之上雖
死之日猶生之年

後魏程駿為任城王雲郎中令進箴於王王納而嘉之
宋欽初仕沮渠蒙遜為世子洗馬欽上東宮侍臣箴

高允字伯恭以經授景穆太子甚見禮待太子季年頗
親近左右營立田園以收其利允諫曰天地無私故能
覆載王者無私故能包養昔之明王以至公宰物故藏

金於山藏珠於淵示天下以無私訓天下以至儉故美
聲洋溢千載不衰今殿下國之儲貳四海屬心言行舉
動萬方所則而營立私田畜養雞犬乃至販酤市廛與
民爭利議聲流布不可追掩夫天下者殿下之天下富
有四海何求而不獲何欲而不從而與販夫競此尺寸
昔號之將亡神乃下降賜之土田卒喪其國漢之靈帝
不修人君之重好與宮人列肆販賣私立府藏以營小
利卒有顛覆傾亂之禍前鑒若此甚可畏懼夫為人君

者必審於擇人故稱知人則哲惟帝難之商書云無適
小人孔父有云小人近之則不遜遠之則怨矣武王愛
周召齊畢所以王天下殷紂愛飛廉惡來所以喪其國
歷觀古今存亡之際莫不由之今東宮誠曰乏人雋又
不少頃來侍御左右者恐非在朝之選故願殿下察愚
言斥出邪佞親近忠良所在田園分給貧下畜產販賣
以時收散如此則休聲日至謗議可除太子不納
陽固為汝南王悅郎中令悅年少行多不法褻近小人

固上疏切諫并面陳徃代諸王賢愚之分以感動悅悅甚敬憚之後為清河王懌從事中郎悅性不倫倣儻難測無故過杖京兆王倫子寶月固雖離國猶上疏諫曰伏聞殿下乃以小怒過行威罰誠嚴訓有餘而慈惠不足當今主上幼冲宰輔用事履冰踐霜兢兢業業猶恐不濟况肆意非彝任情用事欲保全福祿其可得乎昔龔遂去國猶獻直言韋孟離朝不忘本國况臣忝屬朝私猥充謬舉伏隸國僚聞道有歲敢不盡言悅覽之大

怒

鹿念初為真定公元子直國中尉恒勸以忠廉之節嘗
賦五言詩曰嶧山萬丈樹雕鏤作琵琶絲此材高遠絃
響藹中華又曰援琴起何調幽蘭與白雲絲管韻未成
莫使絃響絕子直少有令聞念欲其善終故以諷焉



冊府元龜卷七百十三

欽定四庫全書

子部
冊府元龜卷七百十四
五

詳校官中書臣吳瓌

侍讀臣孫球覆勘

總校官庶吉士臣何思鈞

校對官典簿臣劉景岳

謄錄監生臣何銓

欽定四庫全書

冊府元龜卷七百十四

宋

王欽若等

撰

宮臣部

規諷第三

後周劉休徵為齊王憲友休徵獻王箴一首憲美之休徵後又以此箴上高祖高祖甚悅其文

蕭元肅建德三年為太子少傅元肅以任當師傅調護是職乃作少傅箴曰惟王建國辨方正位左史記言右

史記事莫不立太子為皇之貳是以易稱明兩禮云上

嗣東序養德震方主器束髮就學宵

音小

雅便隸朝讀百

篇乙夜乃寐愛日惜力寸陰無棄視膳再飯寢門三至

小心翼翼大孝蒸蒸詢謀記慮問對疑丞安樂必敬無

忘戰兢夫天道益謙人道惡盈漢嗣不絕乎馳道魏儲

迴還乎鄴城前史攸載後世揚名三善既備萬國以貞

姬周長久實賴元良嬴秦短祚誠繇少陽雖卜年七百

有德過厯而昌數世一萬無德不及而亡敬之敬之天

惟顯思光副皇極永固洪基觀德審諭敢告職司太子
見而悅之致書勞問

隋柳肅高祖開皇中為太子僕學士劉臻嘗進章仇大
翼於宮中為巫蠱事肅知而諫曰殿下帝之冢子位當
儲貳誠在不孝無患見疑劉臻書生鼓搖唇舌適足以
相誑誤願殿下勿納之太子不懌他日謂臻曰汝何故
漏洩使柳肅知之令面折我自是後言皆不用

唐長孫敞隋開皇末為晉王庫直嘗從獵於驪山見羣

鹿駭軼王策馬凌危逐之敵馳下馬諫曰大王不慮垂堂淫於原獸小人之情未見其可王乃忻然而止

李綱為太子詹事上書諫太子建成曰綱耄矣日顧時流墳樹已拱幸未就土託傳聖躬無以酬恩請效愚直伏願殿下詳之竊見飲酒過多誠非養生之術且凡為人子者務於孝友以慰君父之心不宜聽受邪言妄生猜忌建成覽書不懌而所為如故綱以數言事忤太子旨道既不行鬱鬱不得志

李百藥為右庶子時太子嬉戲無度乃作贊道賦以諷
諫之

于志寧為散騎常侍行太子左庶子志寧以太子承乾
數虧禮度志在規救撰諫苑二十卷諷之太宗大悅承
乾嘗於盛農之時營造曲室累月不止所為多不法志
寧上書諫曰臣聞克儉節用實弘道之源崇侈恣情乃
敗德之本是以凌雲檠日戎人於是致譏峻宇雕墻夏
書以之作誡昔趙盾佐晉呂望師周或勸之以節財或

諫之以厚歛莫不盡忠以佐國竭誠以奉君欲茂實播
於無窮英聲被乎物聽咸著簡策以為美談今所居東
宮隋日營建覩之者尚譏其侈見之者猶歎其華何
容此中更有修造財帛日費土木不停斧斤之工窮極
磨礱之妙且丁匠官奴入內比者曾無伏鑿此等或兄
犯國章或弟罹王法往來御苑出入禁闈鉗鑿緣其身
槌杵在其手監門本防非慮宿衛以備不虞直長既自
不知千牛又復不見牙爪在外廝役在內所司何以自安

臣下豈容無懼又鄭衛之樂古謂淫聲昔朝歌之鄉回車者墨翟夾谷之會揮劍者孔丘先聖旣以為非通賢將以為失頃聞宮內屢有鼓聲大樂伎兒入便不出聞之者股慄言之者心戰往年口勅伏請重尋聖旨殷勤明誠懇切在於殿下不可不思至於微臣不得無懼臣自驅馳宮闕已積歲年犬馬尚解識恩木石猶能知感所有管見敢不盡言如鑒以丹誠則臣有生路若責其忤旨則臣是罪人但悅意取容臧孫方之疾疢犯顏逆

耳春秋比之藥石伏願停工匠之作罷久役之人絕鄭
衛之音斥羣小之輩則三善允備萬國作貞矣承乾不
納承乾又令閹宦多在左右志寧上書諫曰臣聞堯稱
稽古功著於明揚舜曰聰明績彰于去惡然開元立極
布政辨方莫不旌賁英賢驅除不肖理亂之本咸在於
茲况閹宦之徒體非全氣便蕃階闥左右宮闕託親近
以立威權假出納以為禍福昔易牙被任變起齊邦張
讓執鈞亂生漢室伊戾為詐宋國受其殃趙高作姦秦

氏鍾其弊加以弘石用事京賈則連首受誅王曹掌權
何竇則踵武被戮遂使縉紳重足宰司屏氣然順其情
者則榮逮幼冲逆其旨者則災及襁褓爰暨高齊都鄴
亦嬖閹官鄧長顓位至侍中陳德信爵隆開府外干朝
政內預宴私宗枝藉其吹噓重臣仰其鼻息罪積山岳
靡挂於刑書功無涓塵已勒於鐘鼎富踰金穴財甚銅
山是以家起怨嗟人懷憤歎骨鯁之士語不見聽蹇諤
之臣言必被斥齊都顛覆職此之繇向使任諒直之臣

退佞給之士據趙魏之地擁漳滏之兵修德行仁養政
施化何區區周室而敢覬覦焉然杜漸防萌古人所以遠
禍以大喻小先哲於焉取則伏惟殿下道茂重離德光
守器憲章古始祖述前修欲使休譽遠聞英聲遐暢臣
竊見寺人一色未識上心或輕忽高班或凌轢貴士便
是品命失序網紀不立取笑通方之人見譏有識之士
然典內職掌唯在門外通傳給使主司但緣階闈供奉
今乃往來閣內出入宮中行路之人咸以為怪伏望狎

近君子屏出小人上副聖心下允衆望承乾覽書甚不
悅承乾嘗驅使司馭等不許分番又私引突厥達哥支
入宮內志寧上書諫曰臣聞上天蓋高日月以光其德
明君至聖輔佐以贊其功是以周頌升儲見規毛畢漢
盈居震取資黃綺姬旦抗法於伯禽賈生陳事於文帝
莫不殷勤于端士懇切於正人昔鄧禹名臣方居審諭
之任疏受宿望始陳輔導之官歷代賢君莫不丁寧于
太子者良以地膺上嗣位處副君善則率土霑其恩惡

則海內罹其禍近聞僕寺司馭爰及駕士獸醫始自春
初迄茲夏晚嘗居內後不放分番或家有尊親闕於溫
清或室有幼弱絕於撫養春則廢其耕墾夏則妨其播
植事乖存育恐致怨嗟且突厥達哥支等人面獸心豈
得以禮教期不可以仁信待心則未識於忠孝言則莫
辨其是非近之有損於英聲暱之無益於盛德引之入
閣人皆驚駭豈臣愚識獨用不安臣下為殿下之股肱殿
下為臣下之君父君父以存撫為務股肱以匡救為心

是以苦口之藥以奉身逆耳之言以安位古人樹誹謗之木以求已讐懸敢諫之鼓以思身過由是從諫之主鼎祚克昌復諫之君洪業隳墜承乾大怒

孔穎達為太子右庶子承乾令撰孝經義疏穎達因文見意更廣規諷之道學者稱之後承乾不修法度穎達每犯顏進諫承乾乳母遂安夫人謂曰太子成長何宜屢致面折對曰蒙國厚恩死無所恨諫諍愈切承乾不能納

王弘直為漢王元昌友元昌畋獵無度乃上書以諫其
畧曰夫宗子維城之託者所以固邦家之業也大王功
無任城戰尅之效行無河間樂善之心爵高五等邑富
千室當思答極施之洪慈保無疆之永祚其為計者在
乎修德冠履詩書畋獵史傳覽古人成敗之所由鑒既
往存亡之異軌覆前戒後居安慮危奈何列騎齊驅交
橫壘畝野有遊客巷無居人貽衆庶之憂逞一時之樂
從禽不息實用寒心元昌覽書而遽止然漸見疎斥

王珪為禮部尚書兼魏王師王問珪以忠孝珪答曰陛下王之君也事君思盡忠陛下王之父也事父思盡孝忠孝之道可以立身可以成名當年可以享天祐餘芳可以垂後葉王曰忠孝之道已聞教矣願聞所習答曰漢東平王蒼云為善最樂

李義府自高宗在春宮時為太子舍人嘗獻承華箴以申諷諭詞甚典美

邢文偉咸亨中為典膳丞時皇太子久在內罕與宮臣

相接文偉輒減膳上疏諫曰竊見禮戴記曰太子既冠
成人勉於保傅之嚴則有司過之史徹膳之宰史之義
不得不司過宰之義不得不徹膳皇帝式稽前典妙簡
英俊自庶子以下至司議舍人及學士侍讀等使翼佐
殿下以成聖德近者以來未甚延納談議不狎謁見尚
稀叅朝之後但與內人獨居何以發揮聖智使濬哲文
明者乎今史雖闕官宰當奉職忝備所司不敢逃死謹
守禮經微申減膳皇太子答曰顧以虛庸早向墳典每

欲研精政術極意書林但往在幼年未閑將衛竭誠耽
誦因即損心此日以來風塵更積中奉恩旨不許重勞
加以趨侍含元溫清朝夕承親無自專之道遵禮以色
養為先所以屢闕坐論時乖學緒公潛申雅勛式薦忠
規敬尋來請良符宿志自非情思審諭義均弼諧豈能
盡此藥言形於簡墨撫躬三省感愧兼深偉自此益知
名

韋承慶為太子司議郎儀鳳四年皇太子賢監國時太

子頗近聲色戶奴等與之歎洽承慶上書諫曰臣聞太子者君之貳國之本也所以承宗廟之重繫億兆之心萬國以貞四海屬望殿下以仁孝之德明睿之姿岳峙泉渟金真玉裕天皇升殿下以儲副寄殿下以監撫欲使炤無不及恩無不覃百僚仰重曜之輝萬姓聞洊雷之響夫君以人為本人以食為命君非人無以保其位人非食無以全其生故有子曰百姓足君孰與不足百姓不足君孰與足自頃年以來頻有水旱菽粟不能豐

稔黎庶自致煎窮今夏亢陽米價騰踴貧屨之室無以
自資朝夕弗遑惟憂饑餒下人之瘼實可哀矜稼穡艱
難所宜詳悉天皇所以垂衣北極殿下所以守器東朝
為天下之所尊得天下之所利者豈惟上玄之幽贊亦
百姓之倚命也故百姓危則社稷不得獨安百姓亂則
帝王不能獨理古之明君飽而知人饑煖而知人寒每
以天下為憂不以四海為樂今關隴之外凶寇憑陵西
土邊氓凋喪將盡干戈日用烽火薦驚千里有勞於饋

糧三農不遑於稼穡殿下為臣為子乃國乃家為臣在
於竭忠為子期於盡孝在家不可以自逸在國不可以
自康一物有虧聖上每留神念三邊或梗殿下豈不兢
懷况當養德之秋非是任情之日伏承北門之內造作
不常玩好所營或有煩費娼優雜伎不息於前鼓吹繁
聲亟聞於外既喧聽覽且黷宮闈兼之僕隸小人緣此
得親左右亦既奉承顏色能不恃託恩光作福作威莫
不由此不加防慎必有愆非倘使微累德音於後悔之

何及書云不作無益害有益之事故高而不危所以長
守貴滿而不溢所以長守富是知高危不可不慎滿溢
不可不持也易曰君子終日乾乾夕惕若厲敬慎之謂
也在於凡庶能守而行之猶可以高振聲華坐致榮祿
况殿下有少陽之位有天挺之姿片善而天下必聞小
能而天下咸服豈可不為盡善盡美之道以取可久可
大之名哉伏願博覽經書以廣其德屏退聲色以抑其
情靜默無為恬虛寡欲非禮勿動非法不言居處服玩

必循節儉畋獵遊娛不為縱逞正人端士必引而親之
便辟側媚必斥而遠之使惠風溢於遠近仁聲翔於內
外則可以克享終吉長保利貞為上嗣之稱首奉聖人
之鴻業者矣承慶又上諭善箴以諷太子勞而遣之

薛元超永隆中拜中書令兼太子左庶子時皇太子在
京師頗以畋獵為事元超上啟諫曰臣聞位隆載鼎居
之者匪易業峻承祧守之者為重伏惟殿下幼彰岐嶷
夙擅溫文大孝因心不繇於外獎深仁植性稟之於自然

故能聿膺景福式光正緒皇基永固宸構克昌加以識
度幾晤天姿獨秀生知之量振古莫儔比者監守務殷
親賢政事所關視聽決斷如流凡在朝行僉論極美况
臣委質階陞齒跡宮闈恭聞喜躍實百常品區區所望
惟願聖德日新勵茲三善無忘四術伏見去年之內數
召學士等討論經籍疊疊不倦此令問播於遐邇在外
聞者誰不欣然今夏以來接對講藝之道有謝曩時臣
之事君在於無隱敢緣茲義輒獻愚忠但臣智識庸淺

未足以發明雅訓求之史傳揚摧而言焉昔漢苑招賢
高軒同敞曹園愛客飛蓋連陰此乃副君之待士也亦
有推心鄭衆每佇於諮詢隆禮桓榮用承於誨命此則
副君之尊師也魏太祖征并州留太子在鄴頗出畋獵
崔季進書諫曰盤于遊田書之所誡魯侯觀漁春秋譏
之此周孔之格言二經之明義也深惟儲副以身為寶
今忽馳騫而陵險誠有識所懼晉明帝之在宮中庶子
溫嶠中書舍人阮放諫馬射曰臣聞千金之子猶坐不

垂堂况萬乘之貳若有駭駟之艱豈可不熟念哉殿下
縱一日之娛忘萬代之基凡人猶知其不可况在聖明
乎太子答云省所陳明卿等忠至咸從卿等動靜此則
副君之納規諫不以為嫌者也非獨一時之美事固亦
千載之芳猷且思患預防著於易象樂不可極陳之禮
經列聖垂模可為龜鏡殿下昔在藩邸時以打毬為戲
當此之日已經墜馬近取諸身足為深鑒又殿下仁孝
之德聞於四海自車駕發京天慈許入苑內臣竊惟殿

下之意既承恩旨始復出遊以為上副聖懷非狗盤遊
之樂顧以園苑之地草樹極深絕磴危橋往往而有控
織離之馬擁太阿之劍截輕禽逐狡兔倘有銜檠之變
雖悔不追至如戶奴等輩非是一種或反逆之嗣或破
亡之餘夷狄遺醜兼在其數密計先謀理難懸測忽有
潛身翳蒼侍衛不虞白龍魚服事出慮表臣每一思至
此魂爽飛越夫為人子者不登高不臨深恐近於危辱
也故樂正子春下堂傷足三月猶有憂色弟子問之子

春曰君子跬步不敢忘孝今孝之道失是以有憂色也
子春匹夫尚知愛其身體儲后之尊何可以不慎焉倘
馬逢佚馭微致毀傷豈不上貽二聖之憂下乖兆人之
望伏請打毬馳射深炤危機天皇所賜誠書殷勤切至
網羅今古罕得名言竊循旨要在於披懷虛己書云山
林隱逸草澤高人總萃春坊冀朝夕譚對採其裨贊廣
納忠規機務之餘遊心墳籍瑩襟靈於藝圃散耳目於
書林披帙橫經克勤無怠此之至誠亦何不思殿下敦

崇儒術闡揚文藝爰徵學士獎收人物應斯舉者若登
龍津莫不延頸企踵思承顧盼皆願隳肝膽露欵誠布
衣之交一言相託尚有懷知己之遇銜國士之恩殿下
數存接引與其切磋道義竭忠進善必日有異聞則玉
色彌光金聲自遠頃日時景炎鬱不敢望有引召金商
戒序物侯漸涼伏乞聽政餘閒留情墳典所讀班史請
畢殘功前者別勅賜物本緣殿下書進時請臨池染翰
使筆力轉道仍請每月一兩度總喚學士因為設食文

學張君相素明老莊命之談說能暢玄風殿下假以溫
顏人各申其藝業鈎深理窟者思逞懷蛟撫實詞條者
文成吐鳳此亦一時之奇觀可以澡慮怡神預在宮僚
人知自效便辟取容者踈之正直不撓者親之棄不急
之務而省遊娛絕無益之慾而敦節儉以儒墨為城池
翱翔其際以禮義為干櫓棲息其間一則遵天皇誠書
不敢失墜二則挹古人遺範有所發揮豈不美歟豈不
盛歟伏乞燔鬻捐褶以塞眾望太子報曰昨奉嘉命廣

開正路翳已燔矣褶亦去焉師傅之言實獲我心帝聞
元超有諫書遣使慰勉仍召赴東都

唐休璟則天時為夏官尚書同鸞臺鳳閣三品孝和居
春官轉太子右庶子依舊知政事以契丹入寇復拜夏
官尚書檢校幽州都督及將行進啟皇太子曰張易之
兄弟幸蒙寵遇數侍宴禁中縱情失禮非人臣之道惟
加防察

姚班為太子左庶子中宗太子重俊性明果少未有師

傳舉事或不法班前後四上疏以諫其一曰臣聞賈誼
曰選天下之端士孝悌博聞有道術者使與太子居處
出入故太子乃生而見正事聞正言行正道左右前後
皆正人也夫習與正人居不能無正習與不正人居不
能無不正太子既冠成人免於保傅之嚴則有記過之
史徹膳之宰進善之旌誹謗之木敢諫之鼓史誦詩工
誦箴諫大夫進謀故年與智長化與心成夫教得而左
右正則太子正矣太子正而天下定矣臣又聞之木從

繩則正后從諫則聖善言古者可以驗於今伏惟殿下
睿德洪深天姿聰敏近代成敗遠古安危莫不懸覽在
心動合典禮臣以庸朽濫居輔弼虛備耳目叨預股肱
輒薦塵露庶裨山海伏以內置作坊工巧得入宮闈之內
禁衛之所或言語內出或事狀外通小人無知不識輕
重因為詐偽有玷徽猷臣望並付所司以停宮內造作
如或要須便近猶望宮外安置庶得工匠往來不於宮
禁出入其二曰臣聞漢文帝身衣弋絺足履草舄齊高

帝欄檻用銅者皆易以鐵經侯帶玉具劔環珮以過魏太子不視經侯曰魏國亦有寶乎太子曰主信臣忠魏之寶也經侯委劔珮而去太子使追還之謂曰珠玉珍玩寒不可衣饑不可食無遺我賊經侯杜門不出臣觀聖賢經籍務以簡素為貴皇王政化皆以菲薄為德伏惟殿下留心恭儉靡尚浮奢臣愚猶望損之又損居簡而行簡減省造作節量用度其三曰臣聞銀榜銅樓宮闈嚴秘門閣往來皆有簿厯殿下時有所須唯遣門司宣

令或恐詐假之輩因此妄為增減脫有文狀舛錯事理
便即差違近日呂昇之便乃代署宣勅伏賴殿下睿敏
當即覺察其姦偽自餘臣下庸淺豈能深辨真虛望請
墨令及覆事行下並用內印畫署之後冀得免有詐假
乃是長久規模臣又聞之忠臣事君有犯而無隱明主
馭下納諫以進德故書云有言逆於志必求諸道有言
順於心必求諸非道伏惟殿下仁明昭著聖敬日躋通
幽洞微窮神索隱事之善惡毫釐靡差理有危疑錙銖

無夾臣以庸愚叨侍春闈職居獻替豈敢緘默伏乞降
明離之德俯察微誠紆存雷之威賜矜翹懇倘得搢山
益峻少海增深碎首糜軀其甘如薺輕塵視聽伏待刑
書其四曰臣聞聖人不專其德賢智必有所師故曰與
善人言如入芝蘭之室久自芬芳與不善人言如火銷
膏不覺而盡伏惟殿下神逾藏往理冠生知留意篇章
研精典籍然而山嶽不棄塵壤是以能高大江河不逆
細流所以成深廣伏願崇儒敬業訪道稽疑是則品物

增暉懷生欣忭今司經見無學士供奉未有侍讀伏望
時因侍膳奏請置人所冀講席談筵務盡忠規之道披
文摘句方資審諭之勤臣又聞臣之事主必盡乃誠君
之進賢務求忠讜伏惟殿下養德儲闡理以端靜為務
恭膺守器必以學業為先經所以立德修身史所以諧
識成敗雅誥既習忠孝乃成傳記方通安危斯辨知父
子君臣之道識古今鑒誡之規經史為先斯乃急務至
於工巧造作寮吏直司實為末事無足勞慮

甯原悌為太子洗馬時玄宗在東宮原悌上啟曰臣聞
事有可言者直臣所以抗議忠而見棄者志士所以太
息至於竭誠事君信而獲罪懷祿輔國諂於取容二者
難明取舍或異臣竊為朝廷憂之伏惟殿下孝敬純深
仁明善斷有大功於天下繼元良於社稷萬姓所以拭目
百寮所以清耳皆欲王化之興隆風俗之革易也頃
年以來天網少紊小人趨競內難屢起方當振綱張弦
之秋委才任士之日若推心得人則萬目直舉如托寄

非所則百度斯廢故王者先擇良臣復能任使均明同
日月無私並天地功高化洽地平天成又以為官擇人
者理為人擇官者亂理亂之由官人之職也自二月以
來敕令授官吏部注擬填塞府寺滿盈臺省其優勞當
作別敕放選或虛名邀功或非才僥倖日以增益布列
州縣殫竭府庫侵削黎元臣誠以為漸不可長也昔晉
政多門官以賄進劉毅憂其危傳咸恐其亂武帝終迷
而不悟卒有敗官之尤十數年間億兆塗炭是知古者

省吏以崇化不聞多官以致理臣以為懲其弊者歸乎任
人者也故忠臣難進而易退無黨而孤立守死善道執
心不移過姦人之所嫉為國家之所利近者姚元之宋
璟居獻替之職處銓衡之地用節員位頗立繩紀不為
權門黷貨所拘而以平心汲引為務于時草澤之賢翹
足待用天下凜然復有昇平之望也臣觀二相為人勵
已忠肅直身鯁亮雖有微疵又受黜責且守正之士志
節之人棄瑕錄用今其時也昔叔向下獄祁奚訟之猶

將宥其十世以勸能者况其身不免乎往者易之三思
傾動朝政所賴東之元忠戮力王室社稷殆危忠臣處
朝而獲安神器將移賢者竭誠而必復豈非忠臣良士
力哉璟等行事無忝今古夫安必思危理則憂亂明王
之誠也忠臣處朝姦邪屏退興邦之道也易曰雷雨作
解君子以赦過宥罪殿下誠能捨其無咎收彼衆望因
主上之餘閒議朝政之臧否使並悔過令復舊職則舉
善之美垂於無窮濫官之弊澄清匪日矣

賈曾為太子舍人睿宗景雲三年八月太子屢遣訪召
女樂宮臣就率更署閱樂多奏女妓曾進啟諫曰臣聞
作樂崇德以感神人韶夏有容咸英有節婦人褻黷無
預其間昔魯用孔子幾致於霸齊人懼之遺以女樂魯
君既受孔子遂行戎有由余兵彊國富秦人反間遺之
女妓戎王耽樂由余乃奔斯大聖名賢疾之已甚良以
婦人為樂必務治容娃妓動心蠱惑喪志上行下效淫
俗將成敗國亂人實由茲起伏惟殿下神武命代文思

登庸宇內顯顯瞻仰德化而渴賢之美未被於民心好
伎之聲已惑於人聽豈足追啟誦之微烈襲堯舜之英
風者哉至若監撫餘閒宴私多豫後庭之樂古或有之
非以風人為敬猶隱至於所司教習章示衆寮嫚妓淫
聲實虧睿化願下教令發德音屏倡優敦雅頌率更女
樂並令禁斷諸採召一切皆停則朝野內外皆知殿下
放遠邪佞輝光日新凡在含靈孰不欣戴皇太子令答
曰比嘗聞公正直信亦不虛寡人近日頗尋典籍至於

政化徧所留心女樂之徒亦擬禁斷公之所言雅符本
志

歸登為工部侍郎東宮諸王侍讀獻龍樓箴以諷

丁公著為水部員外郎充皇太子及諸王侍讀著皇太
子及諸王訓十卷

冊府元龜卷七百十四